

今勇齋詩彙

陳曾壽署

戊寅仲春

今勇齋詩稿



刊誤表

卷

數

頁

數

行

數

正

誤

今勇齋詩稿卷一

三三三

十九七

陝 恩 兀 恩

陝 勿 兀 勿

今勇齋詩稿卷二

十十十

十八五

修 揚 種 弋 振 檀

脩 楊 動 戈 悵 擅

今勇齋詩稿卷三

二十

十六

稿 翰 紛 乎 時

集 幹 粉 呼 時

今勇齋詩餘

三十三

七

時

時

弁言

余詩從未編次癸亥旅滬因見肆中仿宋活版極佳
偶檢行篋得庚申以後凡四年間稿百餘篇鈔爲今
勇齋詩稿一卷並爲小序付之手民祇印三百本知
奸分攜已罄甲子後所爲詩多散寫日記中茲陸續
檢出錄爲二卷合前一卷共三卷復搜舊篋得庚申
前所作百餘首不克分年乃編爲黔游舊稿綺讖集
壬巳詩鈔各一卷以詩餘十餘闕附焉稿雖四種而
統名爲今勇齋詩稿者便檢閱也黔遊舊稿者旅黔
時之所作也余之學詩實自此始壬巳詩鈔者自壬

子以迄已未之作輯而存之不欲廢少作也綺讖不
刪者非敢援昔賢閑情風懷以自解亦結習之難除
也吾詩雖略爲編次而蕪雜纖浮多足慚汗初意非
不欲略加刪改而力既不逮且喪吾真故不果爲而
亦不敢逸人爲序也惟甲子春所自爲小序仍錄存
之而略記編稿之次第如此戊寅春劉恩格識

自序

詩小道也揚子曰雕蟲篆刻壯夫不爲余幼讀其言而躐之喜爲名法政治之學故於詩未暇爲也冠後浪游南北會時變嬰憂患遭逢振觸輒爲韻語以寫其意雖偶爲焉而實未之學也庚辛以還溷跡朝市從政之暇始稍稍理舊書間及聲病之學學之雖弗能佳不甚率意爲之矣迄乎壬癸凡四年僅得百十篇耳嗚呼弱冠之所不暇爲者壯而爲之且弗能佳學而有爲豈易言哉雖然吾幼之所學及壯之所欲爲縱甚難而無功吾豈敢以其難而不爲異乎吾所

學反吾之所欲爲雖易而有功吾又豈敢以其易而
竟爲哉詩小道也其爲之佳否視吾之才與遇蓋吾
才既有限而吾所蘄爲者幸而有功則將不暇致力
於詩或無功焉則雖欲不致力於詩而又何爲哉是
其權有非吾之所能盡操者而吾已不免爲揚子笑
矣甲子春劉恩格序

今勇齋詩稿卷一

遼陽劉恩格鯉門

庚申正月廿三日自滬返京值余生日用少陵述

懷韻答贈遼瀋舊遊

以下庚申

連年滯京闕戚舊契闊久去冬歸故園三日更別走

栖栖胡越間放踵復露肘宇內羣英雄德齊地亦醜

縱橫逞奇譎兵財較薄厚縱存魯仲心而無蘇季口

時在滬開南北議和會議余充政府分代表

徒手障狂瀾奚待卜能否浩

劫歷沙蟲萬物等芻狗仗劍赴疆場窮經老戶牖及

身博將相名成身終朽嗟我生不辰盛年與亂偶無

官有言責食祿及黑首時艱補未能馬齒增恐後年
進學益退撫躬悵何有善言錫百朋濃意愈醇酒往
從間關山賦詩報羣叟

林琴南先生爲作湖棹春游圖題云於今三月鶯
花海盡付詩人劉鯉門感寄四絕

雷峯塔下記游蹤千傾烟波萬壑松最是畫中詩意
好南屏山色淨慈鐘

被天強派作詩人最喜隨園得句新二百年來無此
筆風流誰占六橋春

壯志潛隨綠鬢磨中年書劍兩蹉跎詩名莫更輕相

許已悔生平識字多

果然風景許平分
剪取南湖一片雲
三月鶯花都付我
千秋梅鶴總隨君

讀史雜作

讓國求得仁
首陽絕薇簞
貞觀致太平
先召玄武變
徽欽陷幕庭
南渡偏安宴
南宮甫迎歸
奪門謀已煽
利害與是非
千古相搏戰
仁義盜可存
成敗機先擅
所以宋襄霸
不值一顧眄

癰疥附皮膚
所關惟痛痒
展轉隱忍難
劇劑攻乃爽
支體患縱瘡
腹心毒潛長
一朝橫潰決
根本同滌蕩

進紹誅無鬚外兵召擾攘卓乃廢史侯天下在指掌
再起河內兵豪傑多影響董承召司隸朝政歸句養
惜哉漢祚移千載罪鉤黨

魏其方貴盛武安爲諸郎跪起如子姓侍酒將軍旁
初貴謬讓賢相尉尊同行肺附及專相一日判炎涼
蓋侯坐北鄉賓客滿前堂仲儒不解事繩排較低昂
微言過魏其夫婦同倉皇隔宿市牛酒洒掃夜具張
日中未敢食丞相已醉忘城南田已請膝席肯滿觴
灌仲不獨死禿翁空崛強貴賤如轉燭恩仇復何常
淮陰羞伍噲長樂千古傷

富貴與貧賤憎愛自有真如何逢子慶甘與僧牛隣
三綱旣紊絕五經空紛綸丈夫爲人役局促增悲辛
荀彧志復漢低頭入曹禪九錫阻昭議脫輻殺其身
藏名或不密有力能族人彼哉蔡侍中黥首難圖存
徐荆山知宿遷喜而有寄

消息南雲滯斷鴻金箏尊酒憶江東十年舊雨分符
竹一夜微風下井桐笑我身猶居戶限憐君才豈處
囊中遙知吏散琴堂靜手疊詩箋寄遠筒

趙東生君識塵先生長公子也先生宦陝有廉名
鼎革罷官東生欲謀負米余曾爲推轂苦無緣

會茲復有關外之行感贈二律

尊君作宰古秦州官好家貧倦遠游總是文人多任
達從來太守最風流丹心報主功名薄白髮還鄉物
望收廉吏可爲休悵惘循良食德紹箕裘

家貧負米志殷勤匹馬山河日暮雲廣廈長裘真愧
我抱關擊柝最憐君春風無力花難發秋月當頭酒
易醺底怪匆匆歸去急長安百事不堪聞

病中默憶漢書率成數首

可兒畢竟是奸雄曹贖文姬董薦邕一個美人一才
子爲他青史不姑容

珍寶昆陽萬倍多一言膽氣壯山河將軍戰略天家
曉虜掠殷勤問幾何

仲華杖策河北孔明抱膝隆中兩個興劉帝佐易地
能毋將同

馬上得來天下論功刀筆居先一個范增不用拔山
氣力徒然

繡面襜褕詈道戎陳庸伍顯官刮席已升長樂敗材
傷錦奚歎

齧符下床解璽盆子果然不蚩絕勝郗公徒喚不知
命在何時

九日登香山

香山尋古剎到此滌塵心木落千峯出雲來半塔陰
疏鐘沉夕梵幽壑響秋禽把酒誰同醉茱萸笑自簪
病中得姚莊父爲作補梅圖並題彼此游緣愴然
有感率答四首

病中冗坐定如禪鳥使新傳好畫箋一語補梅題卷
子無端牽起舊游緣

書生那得濟匡才自笑狂吟語亦哀一爪鴻泥留勝
地補時無術補梅來

結語乃前題補梅庵梅花卷子之句餘不省作何語矣庵在靈

峯寺彼時和議停頓偷閒杭游故云

深山豺虎淺山塵何處蜉蝣寄此身
遠接巖巒近城郭西溪梅樹六橋春

君住黔靈我住遼日歸同滯夢魂遙
等閒畫幅溪山好清福權從眼底消

消寒三集遇雪次日北翔見寄一律依韻步和並

寄同社諸子

頻年布帽滯京華看徧長安頃刻花
別院笙簧歌子夜高齋風雪醉流霞
老梅凍萼守饑鶴枯木冰枝翻亂鴉
歸去烹茶滌詩癖何如羊酒黨公家

再寄同社諸子

張燈別館最清蕭佳客無煩折柬招瀛海車書談玉

帛

一時頌統
一令

天街鞍馬踏瓊瑤梨花爛熳開千樹梅萼

孤寒綻一條惠我同行歸去晚北風吹雪夜沉寥

是晚

謫生以車
送余歸

消寒四集默涵承軒邀飲朴園疊前韻寄諸公

小憶無勞賦采蕭朴園又見鶴相招後凋我敢期松

柏永好君應報玖瑤詩有別才誇七步燭因清話續

三條衝寒莫漫愁沉醉更倩笙歌慰寂寥

是夕芷沅
約赴賞音

社

同芷沅登香山

以下辛酉